

ভূমিকা

সংগঠনের নাম, সংজ্ঞাসমূহ, প্রতীক, স্লোগান ও প্রধান কার্যালয়

(অনুচ্ছেদ: ১-৮)

লক্ষ্য , উদ্দেশ্য ও কার্যাবলী (অনুচ্ছেদ: ৯-১০)

সদস্য, চাঁদা , আয় ও ব্যয় (অনুচ্ছেদ: ১১-১৬)

সভা (অনুচ্ছেদ: ১৭-১৮)

পৃষ্ঠপোষকমণ্ডলী , উপদেষ্টামণ্ডলী ও ব্যাচ প্রতিনিধি (অনুচ্ছেদ: ১৯-২১)

নির্বাচন (অনুচ্ছেদ:২২-২৫)

কার্যনির্বাহী কমিটির (অনুচ্ছেদ:২৬-৩৩)

তহবিল ও নিরীক্ষা (অনুচ্ছেদ:৩৪-৩৮)

গঠনতন্ত্রের নির্ভরযোগ্য পাঠ, সংশোধন ও অলিখিত বিষয়সমূহ (অনুচ্ছেদ: ৩৯-৪২)

পরিশিষ্টসমূহ

### **অনুচ্ছেদ ১: নাম**

সংগঠনের নাম হবে বাংলায় “জাহাপুর মাধ্যমিক বিদ্যালয় অ্যালামনাই অ্যাসোসিয়েশন” এবং ইংরেজিতে “Jahapur Secondary School Alumni Association”. সংক্ষেপে –“JSSAA”

### **অনুচ্ছেদ ২: কার্যকারিতা**

জাহাপুর মাধ্যমিক বিদ্যালয় অ্যালামনাই অ্যাসোসিয়েশন (JSSAA)-এর ৩০/১২/২০২৫ তারিখে অনুষ্ঠিত আহ্বায়ক কমিটির সভায় গঠনতন্ত্র প্রণয়ন কমিটি কর্তৃক প্রণীত ও উপস্থাপিত এই গঠনতন্ত্র উপস্থিত সদস্যদের সর্বসম্মতিক্রমে অনুমোদিত হওয়ায় উক্ত তারিখ হতে এই গঠনতন্ত্র কার্যকর হবে।

### **অনুচ্ছেদ ৩: সংজ্ঞাসমূহ**

বিষয় বা প্রসঙ্গের পরিপ্রেক্ষিতে ভিন্ন অর্থ না হলে, এই গঠনতন্ত্রে ব্যবহৃত নিম্নোক্ত শব্দ ও পরিভাষাসমূহের অর্থ নিম্নরূপ হবে—


১) “বিদ্যালয়” অর্থ জাহাপুর মাধ্যমিক বিদ্যালয়।

- ২) “সংগঠন” অথবা “অ্যাসোসিয়েশন” অর্থ জাহাপুর মাধ্যমিক বিদ্যালয় অ্যালামনাই অ্যাসোসিয়েশন।
- ৩) “গঠনতন্ত্র” অর্থ এই গঠনতন্ত্রের অন্তর্ভুক্ত সকল অনুচ্ছেদ ও উপঅনুচ্ছেদ এবং পরবর্তীতে সংশোধিত সকল অনুচ্ছেদ ও উপঅনুচ্ছেদসমূহ।
- ৪) “সদস্য” অর্থ জাহাপুর মাধ্যমিক বিদ্যালয় অ্যালামনাই অ্যাসোসিয়েশনের গঠনতন্ত্রের অনুচ্ছেদ-১২ এর উপঅনুচ্ছেদ (ক) এ বর্ণিত সাধারণ, আজীবন ও সহযোগী সদস্য।
- ৫) “কার্যনির্বাহী পরিষদ” অথবা “কার্যনির্বাহী কমিটি” অথবা “নির্বাহী পরিষদ” অথবা “নির্বাহী কমিটি” অর্থ এই গঠনতন্ত্র অনুযায়ী গঠিত কার্যনির্বাহী কমিটি।
- ৬) “অনুচ্ছেদ” ও “বিধি” অর্থ এই গঠনতন্ত্রের বিভিন্ন অনুচ্ছেদ ও উপ অনুচ্ছেদের অধীনে কার্যনির্বাহী পরিষদ কর্তৃক প্রণীত বিভিন্ন বিধি ও উপবিধি।
- ৭) “ব্যাংক” অর্থ বাংলাদেশের অভ্যন্তরে অবস্থিত যে কোনো তফসিলভুক্ত ব্যাংক, যেখানে এই সংগঠনের হিসাব পরিচালিত হবে।
- ৮) “তহবিল” অর্থ সংগঠনের তহবিল।
- ৯) “প্রতীক” অথবা “মনোগ্রাম” অর্থ কার্যনির্বাহী পরিষদ কর্তৃক অনুমোদিত সংগঠনের প্রতীক বা মনোগ্রাম।
- ১০) “অ্যালামনাই” অথবা “প্রাক্তন শিক্ষার্থী” অর্থ জাহাপুর মাধ্যমিক বিদ্যালয়ে অধ্যয়নরত ছিল এমন ব্যক্তিগণ যারা বর্তমানে বিদ্যালয়ে অধ্যয়নরত নয়।
- ১১) “বছর” বলতে জানুয়ারি ০১ তারিখ হতে ডিসেম্বর ৩১ তারিখ পর্যন্ত সময়কালকে বোঝাবে।
- ১২) “কর্মচারী” অর্থ এই সংগঠনের বেতনভুক্ত কর্মকর্তা ও কর্মচারীবৃন্দ।
- ১৩) “শিক্ষক” অর্থ জাহাপুর মাধ্যমিক বিদ্যালয়ের বর্তমান ও সাবেক শিক্ষক বা শিক্ষকবৃন্দ।

১৪) “ব্যাচ” অর্থ সংশ্লিষ্ট প্রাক্তন শিক্ষার্থী যে ব্যাচে ভর্তি হয়েছিল সেই ব্যাচ যে সালে প্রথম এসএসসি/মেট্রিক পরীক্ষায় অবতীর্ণ হয়।

১৫) “ব্যাচ প্রতিনিধি” অর্থ গঠনতন্ত্রের অনুচ্ছেদ-২১ এ বর্ণিত প্রতিনিধি।

## অনুচ্ছেদ ৪: প্রতীক



লোগোতে ব্যবহৃত প্রতিটি প্রতীকের ব্যাখ্যা:

১) বিদ্যালয়ের দালান বা মূল ভবন: এটি লোগোর প্রধান অংশ। এর মাধ্যমে বুঝানো হয়েছে আমাদের শেকড় ও পরিচয় (Roots & Identity)। বিদ্যালয়ের এ মূল ভবনটি দেখামাত্রই প্রাক্তন শিক্ষার্থীদের চোখের সামনে ভেসে উঠবে ক্লাসরুম, করিডোর এবং বন্ধুদের সাথে কাটানো পুরনো স্মৃতিগুলো।।

২) দেবদারু গাছ: বিদ্যালয়ের সামনে সারিবদ্ধ লম্বা দেবদারু গাছগুলো হচ্ছে স্কুল প্রাঙ্গণের একটি বিশেষ বৈশিষ্ট্য বা "Signature Look" যা উচ্চাকাঙ্ক্ষা ও প্রবৃদ্ধির প্রতীক এবং স্কুলের ইতিহাসের জীবন্ত সাক্ষী।

৩) ESTD 2025: এর মাধ্যমে জাহাপুর মাধ্যমিক বিদ্যালয় অ্যালামনাই অ্যাসোসিয়েশন (JSSAA) এর আনুষ্ঠানিক প্রতিষ্ঠাকালীন সাল ২০২৫ বুঝানো হয়েছে।

৪) কলম ও খোলা বই: বাম পাশের কলম ও খোলা বই শিক্ষার প্রতীক। এটি প্রাক্তন শিক্ষার্থীদের সৃজনশীলতা এবং বুদ্ধিবৃত্তিক চর্চাকে নির্দেশ করে।

৫) জ্বলন্ত মোমবাতি: ডান পাশের জ্বলন্ত মোমবাতি অ্যালামনাই অ্যাসোসিয়েশনের উজ্জ্বল আগামীর প্রতিচ্ছবি এবং একে অপরের বিপদে প্রয়োজনে পাশে দাঁড়ানোর প্রতিশ্রুতি নির্দেশ করে।

৬) বৃত্তাকার আকৃতি: পুরো লোগোটি একটি বৃত্তের মধ্যে আবদ্ধ। বৃত্তের কোনো শুরু বা শেষ নেই, যা প্রাক্তন শিক্ষার্থীদের চিরস্থায়ী অটুট বন্ধনকে নির্দেশ করে।

#### **অনুচ্ছেদ ৫: স্লোগান**

“বন্ধন হোক শক্তি, স্মৃতি হোক প্রেরণা”

#### **অনুচ্ছেদ ৬: প্রধান কার্যালয়**

সংগঠনের প্রধান কার্যালয় হবে জাহাপুর মাধ্যমিক বিদ্যালয় ক্যাম্পাস, বাবুগঞ্জ, বরিশাল। প্রয়োজনে কার্যনির্বাহী কমিটির সিদ্ধান্ত অনুযায়ী অস্থায়ী কার্যালয় গঠন করে কার্যক্রম পরিচালনা করতে পারবে।

#### **অনুচ্ছেদ ৭: মর্যাদা**

জাহাপুর মাধ্যমিক বিদ্যালয় অ্যালামনাই অ্যাসোসিয়েশন’ একটি বিদ্যালয় কেন্দ্রিক উন্নয়নমূলক, অরাজনৈতিক, অসাম্প্রদায়িক ও সেবামূলক সংগঠন।

#### **অনুচ্ছেদ ৮: নিবন্ধন**

প্রয়োজনের নিরিখে অ্যাসোসিয়েশন সরকারী সংশ্লিষ্ট নিবন্ধন প্রদানকারী কর্তৃপক্ষ থেকে নিবন্ধন নিতে পারবে।

